

CANCEL:
MARTIS B:
1717:



*

Zu Ob

Se

RECIDIVATUS
GRATULATIONIS VERNÆ

Supremis in Philosophia honoribus

RECTORE

D. Gottlieb GERHARDO
TITIO,

Jcto, Potentissimi Poloniarum Regis & Electoris Saxoniae
ad Provocationum causas Senatore, Codicis Prof. Publ. atque Facult.
Juridicæ & Supremi Judicii Provincialis Assessore,

PRO - CANCELLARIO

JOH. HEINRICO ERNESTI,

Phil. & Bonar. Artium Magistro, Poet. Prof. Publ. Academiæ
Decemviro, Fac. Phil. Subseniore, & Rectore Thomano,

DECANO

CHRISTIANO LUDOVICI,

SS.Theol. Licent. Org. Aristot. Prof. Publ. Ordin. Literarum
Rabbinicarum & Thalmud. Extraord. Fac. Phil. Assessore, & D. Virginis
Collegii Collegiato,

in Academia Lipsiensi

VI. Iduum Febr. Anno reparatæ salutis M. DCC. XIV.

& a condita Universitate CCCV.

solemniter collatis

publica venerandis celebratione

accommodatus.

L I P S I Æ,

LITERIS JOH. CASP. MULLERI.



Ad Lectorem Benevolum
de
Latinitate Tituli.

Fors recidivatus vocem damnare placebit,
Ex veterum non est quod repetita libris.
Nolim indigneris. Vocis cognata leguntur.
Pergama signavit nam rediviva Maro.
Credita quin animarum orbi migratio vano
In recidivatus nomine visa fuit
Ex Patribus, jactat quos prima Ecclesia, sanctis
Qui de velanda virginitate docet.
Estoque, quod rigidus censor tolerare recuset,
Quod causa est, satis est, quare adhibere velim.
Obveniunt formis, dum ver est, cuncta novatis,
Sic sermoque decet carmina verna recens.

J. N. R. J.



Er hyemem insequitur. Frigentibus
ergo figuris

Ante annum celebrant ut carmina fu-
sa Magistros,

Sic tepidis venient nunc danda enco-
mia formis.

Ante equidem memini vernos profundere flores
Eusebien Kromayerum post Alpha docentum,
Quum, quæ Pansophicas præstant solennia lauros,
Alter a finitum hinc, secli, quod viderat Heptas,
Tertius infestus multum & tricesimus annus
Ob dura in medium differret tempora Majum.
Verque ipse Astræ Musas describere jussi
Lustra ante hæc, Themidos quum gratia præmia
ferret,

Bisbina, inmeritis dantes nunc commoda multis
Hocque loco atque alibi non parvos publica Consos.
Namque hanc tum fecit spem visa examine virtus,
Ipseque delectus prædixi carmine vates
Tempore, laudatur quo formosissimus annus.
Sed facio sic, quod facere ipsum noveris orbem.
Quando sua, exponas, Phœbus per signa cucurrit,
Quo simul haud Taurum, simul haud Geminosque
pererret;

Et tamen haud dabitur, qui non ardore citato
Delitias toties sumat ferventequæ sumtas.

Adde, ut per verrem nunquam sese incipit atas
Prima anni, quo non horti nova germina jactent,
Et quæ præteritis oculus non prenderat annis,
Sic non prædictæ condendo carmine laudes
Claudentur, vates quas jam cecinisse pigebit.
Argumenta Hæmo non delibata ferentur,
Ut nix pura, & quam pes non temeraverit ullus,
Integra & ut, nulli quæ tactus, lilia fœdant.
Nec culpes, vernum quod fingo in frigore tempus
Cunctæque quum glacie villis niviumque teguntur.
Nam curæ ut corpus sit, non pars degimus orbis,
Quod ratione modos quatuor variatur ad anni
Non una. Ingenii res est, quam sistimus, & quæ
Docti versatur sapiente in vertice Pindi,
Qui non sudabit jussis obnoxius æstus,
Aut faciet, quicquid dominantia frigora poscunt,
Vel media æerei quarit moderatio cœli,
Existens, cancer seu lucem extenderit, idem,
Seu cæper involvat cæcas caligine terras.
Et quam jucundum est, ausis applaudere pulchris
Exemplis, Sophici pollent qui numine festi
Hac vice. Magnifico Titius res digerit ostro.
Sed sic justitium vernum, quod Lipsia, visum est
Sectatur, dum Pascha colit, mercatibus implet
Cuncta, atque ex cœlo per flammæ Spiritus ignis
Devota in cultum Domini vult pectora lapsus.
Nam mirum est, quam vel sese hoc heroe Themistos
Præsidium in juris florens Academia jactet,

Judi-

*Judicium vel se, quod habet Provincia, fundet,
 Vel merse tenebris causa expediantur in Aula.
 Per ver versantum non parva licentia rerum est.
 Exiliunt volucrum non ulla examina lege.
 Quam non luxuriant camporum gramina! Quis non
 Per fluxuos, quis non per terra animalia lusus?
 Hæc capit Ernestus vernantia Symbola, celsis
 Qui festo auspiciis Pro-Cancellarius adstat.
 Quidlibet audendi nam vari est æqua potestas.
 Quem nunc Pansophico veneramur in Ordine Regem
 Hactenus ex Logico vestigia tramite signas,
 Sanctorum in scriptis que sunt, Ludovice, Virorum.
 Ergo Tibi Domini trado vestigia campis
 Fœcunda inprimis pinguedine turgida per ver,
 Cælo acti ut canit affirmatio certa Davidis.
 Ex vere & quo vos descripto emblemate pingam,
 Qui vires juvenum varias tentastis & artes?
 Ob vim dicendi Schmidio linguamque disertam
 Ex cuncto exoriens est delectatio tractu.
 Imminet byhernis missis exercitus hosti,
 Menckiadæ historicus, fieri ut debere, notavit.
 Ex mæsto rediit veris per Pascha sepulchro
 Demona qui vicit Dominus. Tibi convenit istud
 Qui nova pars rutilas, Oleari, luxque docentum-
 Paulo ante excedens Genitor nam redderis orbi.
 Justus adinjunctas hominum conamina normas
 Jenichius vertit, velut hoc quod tempore natum,
 Flexibile est, facilem fitque incurvare laborem.*

FRIEDERICUS MATTHIAS *Hartman* /
Schœnfelda-Lipsiensis.

Veris durities
graviter qui-
dem interdum
premeus, ta-
men victa.

Multa quidem violant humanos aspera casus.
Sed tamen invictis animis lædencia cedunt.
Accipito in dandas, *Hartmanne*, hæc symbola laudes.
Nam bene conveniunt. Musis nam durus haberis,
Non quod damna inferis, sed quod vexantibus obitas.
Interdumque etiam sic ver per dura manebit,
Quæ nunc a nimis pluviis, nunc frigore sensit.
Imperturbatum *Genitor* per tristia duxit
Præco Dei, mœstis patriæ auxiliator in horis,
Dum per privatos sumpta est Tibi Musa Magistros.
Instantem haud turbant Portæ patienda salutem.
Müllero haud ullum exitium nix verna paravit.
Patrius *Hartmannus* quantus servator in Euros!
Besserum novi non formidare pruinas.
Schrammiade, *Heidero* fecit non vulnera grandio.
Weidnero arboreos vitiant non fulgura flores.
Per Majique omnes *Majus* non cesserat hostes.
Per mala non fractos veris Jena abdit honores,
Buddeus noxam, noxam seu *Dantzius* aufert,
Cladibus infestus clades seu *Sirvius* urget.
Russiade incolumis duras, durasque *Gerardo*,
Beyero haud vermis, fœda haud rubigo nocebit,
Seque ex non uno servatum *Olearius* orco
Musgiusque canit plectris per barbiton actis.
Lipha dum tenuit, mors acceptissima vita est.
Fert caligo urnæ *Güntherum* ad lumina cœli.
Claras per nimbos lymphas *Barnerus* habebat,
Menckius inque luto retinet, quos jactat, amores.
Sicque ipso fieri res attestabitur in Te,
Hartmanne. O quantum morbi inclementia vexat
Hactenus! At doctas video te ferre coronas
Nunc tamen. Et sancti jam prænoto gaudia templi.
Quæ non crux cruciat Domini in præcepta fideles?
Præco Dei sed tu pressis solatia promes.

Gott

Gottlob AUGUSTUS HEMPELIUS,

Pissena Martisburgicus.

Supplicat in sacris faciendis turba Quiritum,
Ut res optatæ fierent, aut quando rogavit,
Aut pro concessis precibus quum solvere grates
Visum est. Ante alias id ver quoque fecerit anni
Partes. Conventus capitur sic namque volantum
Præcipue. Voces avium penetrabilia sedis
Quippe esse ad diæ cultum Scriptura docebit
Missum, hoc de corvis, notum ut, monuisse Davidem.
Pissenæ hæcque inter complent Tibi pectora Musæ
Principio. Monstrat *Genitor* sicque ipse canentes,
Seu numeris placeant teneri resonantibus horti,
Exhilaret campus modulamine sive colonos,
Venatori hilaris seu sit mel Musica Sylvæ,
Cantantis novit pietatis Lipsia causas.
Per lucem incolumem *Schmidio* se prædicat una.
Est pro præsidio noctis quæ grataque psallit.
Evolat in cœlum rostro applaudentibus alis
Tutus *Schürziade* venientia vulture cœtus.
Ante diem liquidis lethi qui diffluit umbris,
Dum luteis nimbos domibus timet, expetit *Hardeo*
Pars, teneant firmis, ficcas, quæ nexibus, auras.
Pabula *Menckiaide* quærit pars altera mensis,
Prandia sive parat, jentacula sive merendas.
Nascitur excelsis *Pezoldo* ita gloria tectis.
Starckiaide obtingit mundo placitura voluptas
Præcipua, & qui pars, humanis coetibus, orbis.
Officium supplex Tibi sed cur traditur istud?
In promptu causa est. Numen *Ferberia* mater
Sancta colit. Patriæ semper *Pater* orat in æde.
Ipseque quin, faveat Tibi si *Zweymenius* ultra
Nobilioris apex census, si jungitur isti
Ex generoso adyto porro *Schænfeldius* agros
Exsuperans vernos, vates venerabilis olim,
Victima cœlo, aderis, labiorum ut justa feratur.

Ver supplica-
tionibus fre-
quentatissi-
mum.

JOH.

JOH. CHRISTIANUS SALICHIUS,

Melfa-Mifnicus.

Sol in Zodiaco
per ver semper
ascendens us-
que ad Tropi-
cum cancri.

TE novi ulterius, *Salichi*, ascendere semper.
Primum in signifero sicut sol namque levatur
A Verre ad Taurum, Gemini Taurumque sequuntur,
Vestibula attingit donec ferventia cancri,
Sic ipsi a parvis sensim ad majora recepto
Cum studio ad summam volupe est contendere metam.
Ex valle ad primos ducit conamina colles
Ipse *Parvens* patriæ stans sancti in monte Sionis
Gloria vicini cleri provectior annis;
Atque ex *Sculteto Gleimensi* profata mater.
In rupe ad plures profert *Weidlingius* artes
Candenti istius princeps altissimus Hæmi.
Progredersique etiam hic, dum Te *Guttbierius* arcu
Admoveret Hebraicæ, summis in turribus hærens
Schieferdeckerus dum scitaque sancta docebat.
Pro parvis majora aperit subsellia, dum Te
Lipia *Barnero* duce civem Academia sumpsit.
Hicque est lux *Hardio*, quanquam ipse absconditur an-
Müllerus fructus delapso ex flore paravit. (tris.)
Ex fundamentis *Schmidio* nova culmina surgunt,
Lebmanno comes es vili non forte colonus.
Barnero ex lacubus sublimi in fonte natabas.
Ernesto ex clausis debes procedere cellis.
Majorem ex magna classem *Ludovicus* agebat.
Gæsenioque etiam poterat excellior ire
Et dum *Kislingus* Parnassum & *Starckius* indunt.
Inprimisque *Oleariadis* provectus haberis
Eusebicus sacra seu, Themidos seu jura revelant.
Sed quid? Perspectum est, solare recedere corpus,
Quot fines vicibus visum est contingere vernos.
Vertice de tanto an retro Te quoque fata reducent?
Absit. Virtutem tantam ultra exsurgere fas est.
Amplius & patriam haud abscisso ita nomine Melfam,
Sed Melfam ex pleno titulo appellaveris altam.

CHRI-

CHRISTIANUS Gottlieb Jöcher/

Lipsiensis.

Magno stirps, *Jöchere*, Tibi splendore coruscat.
 Non paucis complet meritis gens Boscia cœlum.
 Multa ædilitiis dispergunt lumina factis
Jocheri. Medico Deus *Etmullerus* in orbe est.
 Pars ergo in laudem trahitur speciosior anni.
 Corporis eximios ipse imo sistis honores.
 Nil animique habitu vidi fulgentius esse.
 Vitricus ex *Themidos* sidus *Baudisus* astris
 Insinuat primum per munera pulchra decorem,
 Post fata excipiens huncque *Etmüllerus*, in orbis
 Qui decus ex medicis celebratur Avunculus ausis.
 Geræ *Goldnero* pretioso induceris auro,
 Quæ Te dedeceant, maculosaque *Wolffius* aufert.
 In varias *Zittæ* formosus mitteris oras.
Ziegero jactant Te pectus amabile Græci.
 Gentibus Eois mirandum *Mirus* habebat.
 Non quem Gallia amet magis est, *Rosselius* inquit.
 Visum est, Te *Logicis Pitschmanno* excellere formis,
 Majorque *Hoffmanno* haud quavis est arte venustas,
Grünwaldoque, ipsos superat qui frondibus hortos.
 Quos dat, quis numeret, Tibi Lipsia culta lepores?
 Ordine cuncta, docet Te quando *Olearius*, hærent.
 Vivida vivus adhuc *Güntherus* corpora fecit.
 Quæ non impediunt, dat robora *Starckius*, artus,
 Ex *Polycarpi* operis oculi sibi pabula carpunt,
 Est *Har dio* durum, durum quod debuit esse.
 Moribus &, quæ fas, præstat cedentibus, in quo
 Molli molliciem *Schörgenius* ore requirit.
 Collatis gaudet naturæ in dotibus, in quam
 Una haud, *Lebmamus*, ferutantem machina ducit.
 Ausis innatas *Wagnerus* perficit artis
 Expoliens mentem per cuncta mathemata vires.
 Constet opus! sic nil totusque ostenderit orbis,
 Quod minus abjiciant foedi in deformia vultus.

Annus in vere
 formosissi-
 mus.

B

Gott.

Gottfried Seydenschwanz /

Oedera-Misnicus.

Ver nidifi-
cua.

AEdificat, quicquid vernas volitare per auras
Cernitur. In laudes hæc fumito symbola dandas,
Pars Seydenschwanzii, volucrum clarissima. Sancti
Ad Dominum cœli queis flamma emittitur, aras
Divino Ifacides vocat ætus numine nidos,
Queis contenta suos pullos excludat hirundo.
Ex qua procedis, stabulum hoc Ecclesia, stirpe,
Præstitit. Ex quo nam purgavit sacra Lutherus,
Ad prærens tempus vates non defuit unquam,
Infereret populum qui *Seydenschwanzius* astris
Compresso Domino factis justisque fidelem.
Fervente agnatos sequeris rationeque tantos.
Vulturius primis Oederæ fecerat orsis
Atque *Haberlandus*, quæ laudo, cubilia. Pergit
In similes usus Eppendorffensis Apollo
Schubertus. Thomæ quod nomine Lipsia jactat,
Non unis variat formis facienda Lyceum!
Ædes exstruxit ritu *Pezoldus* alaudæ.
Luscinia lætos dulcis *Kunavius* urget.
Hebraica in studio est *Ludovicus* mensa coturnix,
Pieris *Ernestique* quidem vult Musa videri,
Sed postquam in picam comparet versa loquacem.
Ordine produxit, quod factum, Academia totum.
Materiam sudans madidam *Bärnerus* habebat.
Siccam quærebat letho nunc ficcior *Hardtus*.
Müllerus frondem & *Ludovicus* in ore ferebat.
Gramina collegit *Dachselus*, legit *Abichus*.
Congestos ferie junxit *Güntherus* acervos
Et cum *Wernero Pfeifferus* finibus apta.
Jamque adeo adsit hyems. Nil *Seydenschwanzius* horret.
Nam dum ver fuerat, visum est componere nidos.
Interea teneat pronis *Oertelius* ulnis
Porro, mercantis splendent dum culmina mundi
Structuris, summæ summa ædificatio rupis.

JOH.

JOH. HEINRICUS FISCHERUS,

Geranus.

F*ischere*, in madidis versanti competit humor.
 Rorem igitur Majis collectum trado calendis,
 Corporibus magis ut fertur conferre salutem,
 Excipitur reliqui quam qui per tempora veris.
 Quin doctrina instar roris per pectora visa est.
 Hanc des, in nebulas stipas, *Goldmere*, vapores,
 In patria ardentis qui blanda remissio pubis.
 Ex nebula gelidas diffundit *Wolffius* undas
 Rectorum cupidis recreandis utilis algor.
 Affixit segetum gemmas primaria culmis
Pertschius in sacris sacra dispensatio guttis.
 Surgentes retinet commoti pulveris ausus
Zapfius ex medicis cinerum suppressio donis.
 Lipsia qua ratione legunt ostendit & usus.
 Abstergit manibus lympham, queis, stirpibus, hæret,
 Debita *Müllerus* non veri abstergio sciti.
 Expanfa imbibent *Ludovico* lintea succum,
 Pendenti Logici volumina turgida census.
 Excipit aptatis *Lebmannus* munera vasis
 Expressa, in Physicis dos expressissima campis.
 Ex sic fonte lavat *Bärnerus* corpora factio.
 Nudatis volvit sese per gramina membris
 Nudo *Hardus* nuper data portio nuda sepulchro.
 Hæc unguenta domus superabunt balsama celsæ
Hoffmanno. Haud oleis *Sophica* ex regione Canopi
 Plus *Oleariade* vel pharmacopœus abundet.
 Formosum sacer hoc se luxu *Olearius* offert,
Starckius infirmas viresque ita robore firmat.
 Nulla superstitio se dotibus ingerit istis,
Fischere. Instructus *Pater* hoc medicamine coeli
 Excubat in patrias verbo fortissimus aras.
 Tu quoque par fueris. Ad verbum a piscibus orbis
 Quos Dominus legit, præceperat ire ministros.
 Te piscatorem talem olim Ecclesia jactet.

Ros calendis
 Majis colle-
 ctus efficacior
 a superstitiosis
 creditus, quam
 qui aliis tem-
 poribus exci-
 pitur.

211 JOH. ULRICUS *Stadtmiller* /

Campoduno. Suevus.

Memoria pas-
sionis domini-
ca: tempore
verno coli in
Ecclesia sueta.

Suevia per plures annos quamplurima passa est,
Effudit donec Mars, *Stadtmillere*, furorem.
Fatorum accipias patriæ memor ergo dolores,
Tempore quos Dominum passum esse Ecclesia cœli
Heptomade ante docet venientia Paschata verno.
Beckius in patria primas coluere Camœnas,
Junctusque affinis *Mellinus* foedere, templi
Gloria post summam divini proxima laudem.
Sic, equitans veluti Solymam, sed percipis, intrat
Pluribus exceptus populi clamoribus urbe.
Lipsia per reliquum fert contingentia tempus.
Paschalis *Schmidius* ferclis interfuit agni.
Impuros habitus pedibus *Menckenius* aufert.
Mortiferos intrat pariter *Ludovicus* in hortos.
Sanguineo *Ernestus* vidit sudore madentem.
Fenichio ad vires faciendas angelus adstat.
Oscula discipuli pro dentia devovet *Hardtus*.
Berndtiade implicuit totus grex corpora vinclis.
Starckius ad Caipham deduci, ipsumque Senatum
Vidit, propositas res utque fatetur, *Abichtus*,
Falsosque ut vano quærunt conamine testes.
Romanum post hæc vincit stetit ante tribunal.
Causam accusator nonque hic *Olearius* orat
Molliter. Haud magnum sed conspicit esse reatum
Ipse manus iudex *Barnero* hoc sineque lavit.
Palladiis Succis celebres *Natusque*, *Paterque*
Eusebii Proceres stimulis spinisque coronant,
Non oleis. Crucias, *Rechenbergere*, flagellis.
In cruce dispanit *Cypriano* brachia miles.
Günibero inclinansque caput discedere visus.
Quam pretiosa affert Ecclesia pharmaca mundo!
Campodunensem sed tu gaudeto per urbem,
Stadtmillere, tuo splendes qui Consulis ostro;
Proderit hoc patriæ vates medicamine Natus.

CHRI-

CHRISTIANUS ERDMANNUS

AGNERUS, Martisburgensis.

EX teneris, *Agnere*, Tibi præconia formis
Signo. Ni fallor, tenero appellaris ab agno.
Mollius inque omni nihil est proventibus orbe
Vernis. Formandæ si res spectroque iuventæ,
Non durus discens fuerit, non tradita quæ res,
Nonque modus, quo mens sibi percipienda recepit.
Nam pueri teneris languescunt unguibus. Artis
Rudera, non firmæ sumuntur robora mentis.
Sicque tenet pectus, sumta ut variare per horas
Cuncta queas, subitoque aliis mutare figuris.
Martisburgensis sic Te conspexerat Hæmus
Principio. Metuit modo natos tangere pullos
Tractandis factus primis *Kettrizius* annis.
Frons sylvæ ut gracilis *Förstero*, ita pampinus uvæ,
Infirmus nantum *Myllo* est per flumina fœtus
Exclusus noviter. Stillant ex arbore succi
Nondum durati *Kupfero*. Gramina nondum
Bonikius carpit, gratos densata per hortos.
Vix terra egressasque suis *Hubnerus* in agris
Observat fegetes patrio tunc messor in Hæmo.
A fluxis opibus vult pellere Lipsiæ noxas.
Ne tactu noceat *Cyprianum* prendo timentem.
Intentat tortos *Schmidio* violentia flexus
Ventorum. Insultum pecorum *Gunterus* abegit.
Afflans *Pfeifferus* cavit ne spiritus obfit.
Ex nidis non vult *Wernerus* pellere matres.
Bernadius haud mittit cum matre in pascua prolem.
Mullerus stabulis fugit infligentia cladem.
Sepeque, quod putat hac defendi, *Schützius* abdit.
Agnere, o nondum stabili de pectore constans,
Deteriora tamen non portans sponsa futuris,
Lactea visâ novi rerum quam tempore veris
Perfecta ætati tectis autumnus acervat,
Ut, queis mundo opus est, hyemis per frigora vivat.

Proventuum
vernorum
meritas,

JOH. PHILIPPUS SESEMAN,

Numburgensis.

Ver theatrum
amorum.

OMina ferre quidem videaris nomine mortis
Falce vir armatus quasi, † qui demturus acuto
Gramina procedat pratis florentia ferro.
Sed magis extabunt optatae munera vitae,
Artibus in sumtis quas fers pietateque mundo.
Naturae ut per ver certis namque omnia iussis,
Crescere seu solum sine sensu & vivere noris,
Tangere seu simul & gustare animalia possint,
Ex castae veneris commixto corpore factis
Ad dandos properant in publica commoda foetus,
Ex doctis gravidus rebus sic plurima spondes.
Romani infaustum Majo quod nubere censent,
Infulsa, in patria qui Te docuere, Magistris
Res est. Hoc dixit nulla rationeque niti
Blosius, Hebraicis arx fundatissima Musis.
Imo superstitio est turpis, *Schammelius* inquit
In templo Praesul vefanis cultibus asper.
Ordine concubitus naturae Lipsia promit.
Humida cum calidis *Ernestus* miscet & *Hardtus*.
Nubit humus soli *Ludovico*, nubit *Abichto*,
Rechenbergero concepit femina nato.
Impletos *Oleariades* *Cyprianus* honorat
Et cum *Günthero* *Pfeifferus* carmine ventres.
Conjugii in stabulis fructus sed ludere gaudent,
Lacteus accrescat census, seu laneus auctus,
Weissus ubertas, *Tellerus* foetaque messis,
*Schützriades*que sacri plena impraegnatio templi.
O patriae proceres, urbis vis prima *Senatus*,
Spectate, ad quam spem stipendia praebita vergant.
Atque utinam vivat vester *Mosdorffius* Atlas!
Sed Caput has partes nunc *Fraendorffius* implet,
Foemineis equidem fervens ex nomine flammis,
In puros sed qui vera pietate Clientes
Inque urbis sanctos cives effundit amores.

† Seseman/quasi Sensesmann.

GEOR.

GEORGIUS Gottlob RICHTERUS,

Schneeberga-Misnicus.

JUDICII, *Richtere*, Tibi dant nomina munus.
In cœlum adsignanda igitur sublatio Christi,
Per vernos celebrat quam sancta Ecclesia menses.
Namque reversurus sic & spondetur in orbem
Censura humanis ut cuncta expendat in ausis.
Quæ sic contigerant, fecerunt obvia menti
Assidui ingenuas qui Te duxere per artes.
Sic resque ipse simul *Genitor* complectitur omnes
Rivi jam ditis, patriæ tunc Præful in aris.
Ad prisecam reditum quod nollent credere vitam
Arguit haud molli privatim *Feistius* ore.
Informare orbem post baptizareque jussit
Sibero Dominus, patriæ isto tempore Phœbo,
Sed nunc Lipsensi verbum qui prædicat ædi.
Brehmius exponunt comitancia signa fideles,
Gymnasiumque offert quos Schneebergense, Magistri.
Dæmonas expellit *Dopperius*. *Behrius* ante
Non habitis loquitur linguis. Qui toxica fundunt,
Viribus excellit validis *Hoffmannus* in haustus.
Plavia sublatum dominum post spectat ad astra.
*Eckhardus*que videt rem, *Wendlerus*que videbat;
Ipse ducemque sequens, signant quem, Præful, *avenæ*.
Langiadae atque *Petro* sensim actum condit in auras
Nubes. Ingressum notat ad dextramque Parentis
Sedem stans nunc ad clavum *Birckbahi*us Hæmi.
Lipsia de reditu in terram promissa recepit.
Starckius ascendentem oculis *Schmidius*que sequuntur,
Vestibus obseruat binos *Müllerus* in albis
Stare viros. Audis ad Te, *Rivine*, loquentes.
Huncque reversurum ratione *Olearius* ista
Accipit, ad superum qua visum ascendere tractus.
Judicium hocque equidem fas expectare futurum.
Interea certum est verbum censere docentes,
Interque hos olim judex, *Richtere* fereris.

Adscensio Do-
mini per ver-
in Ecclesia ce-
lebrata.

GEOR-

GEORGIUS ADOLPHUS Schubert/
Lipsiensis.

Sol in Gemi-
nis per ver
existens.

Astronomi in Geminis scribunt existere solem,
Partibus a reliquis quando ver dividit anni.
Schuberthe, in dandas, quod dixi, assumito laudes.
Tractasti ingenuas studio tanto hactenus artes,
In jura inquiris sic omnia scitaque legum,
Ut Phœbi frater possis Themidosque vocari.
Cum Musis facta est tantæ cognatio fortis
Pegaseis in Te *Giesmannus* fudit ut undas,
Et consanguineus Venerum *Koberus* iu Hæmo.
Ciza auxit post hos conjunctos stemmate census.
Gleitsmannus doctæ germanus Pallados ingens
Te geminum adduxit sibi, quanquam ætate minorem.
Hic te complexum hoc *Kernerus* nomine fovit
Virginæ in templo frater nunc inclytus urbis.
Doctæque *Hertzogius* celsa dux gentis in arce
Ut fieres simili præstabat pondere Princeps.
Ex utero tecum quos Lipsia traxit eodem?
Panfophica hic mentem veneratur Musa sororem,
Junctos quæve regit solers, prudentia, cives,
Historicosque, Charis, quam fas coluisse recessus,
Dum Te *Jenichius* firmat, jam regula morum,
Dum meritis fervet pulchris *Ortlobius* in Te,
Multique inprimis signat quem copia fructus,
Doctrinæ omnigenæ donis *Müllerus* abundat.
Sed sobolem ex uno Genitore Afræa veretur
Te tamen ante omnes. Secis namque, quod ipse tenebat.
Quæ natura aperit, si vel consulta ferantur,
Sive statuta urbis, communis visæve juris,
Excipienda, Deæ similis, seu tradita linguis,
In tela in cathedra seu fas defendere stantem.
Menckiadum illustri tecum hæc sunt factaque trigæ.
Quid dicam? Aut fallo, aut coelestia signa videntur.
Filius & Pollux namque est & Castor uterque,
Virricus adfixitque Pater Tibi Juppiter astris.

CHRI-

CHRISTIANUS PAZIGIUS,

Porsdorffio-Misnicus.

Mense sacro factum festo celebratur Aprili,
Cappadocum occidit quo fama Georgius anguem,
Nobilis in mortem intentum cædemque puellæ,
In libertatem tam pulchro ut vindicet ausu.
Quas res signavi, *Pazigi*, accedis ad istas,
Ad rus tractandum genuit Te rusticus ortus.
Cur a tractato non rure Georgius esses
Dictus? Quin mentem foeda ignorantia perdit,
Toxica ut insidias faciunt, faciuntque lacertæ.
Pernitiem sed tu studiorum robore tollis.
Repentes primum surgit *Stulpnerus* in ausus,
In varias teneris noxas qui victor in annis,
Et Gersdorpenfis vindex *Freitagius* ædis.
Afranum factum est in mœsta venena venenum
Gymnasium post hæc. Statque hic *Stübelius* aspis
Aspidibus. Studiis *Schræberi* Cæcula cessit.
Ulla haud *Silligii* virtusque Pythonibus hæsit.
Mox in monstra oritur serpentina Lipsica pestis.
Schelliadæ quam non operis se sibilus abdit!
Ex *Hardto* quam non crispata volumina cessant!
Quam non porro oculis *Cypriano* exiverit ignis!
Pezoldo haud triplici stant amplius ordine dentes.
Sicque etiam Eusebies visum est pugnare Magistris.
Non *Oleariadis* Conchris cute reppulit ictus.
Bernero jaculum fixum est curvamine spina.
Cæde, ut *Gægenius*, terras infecit *Abichtus*.
Arcubus inprimis *Schmidii* transfixaque cervix.
Servata in sævos o pectora salva colubros!
Non tamen humanis adscribito viribus. Ipse
Rex cœli pepulit, quod noxia damna ferebat.
Postque Deum *Patriæ Dominus* Te protegit ingens,
Lipsensem ad Pindum dum Te promovit & Afram. **A**
Notum est, Herculeis nervis cecidisse Draconem.
Sed magis illustris fuit hîc *Schanbergius* Heros.

Georgii ad li-
berandam pu-
ellam serpen-
tem interfici-
entis festum d.
23. April. affi-
xum.

C

BEN-

BENJAMIN Holzapsel/

Numburgensis.

Poma post
conceptionem
in arboribus
vernam gusta-
trauftera.

Holzapseli, horret, te nomino quando, palatum.
In laudes igitur poma immatura feruntur,
Post flores lapsos modo quæ conceperat arbor,
Quod paria hæc constat deprendi fercula mensæ.
Namque ambo in sanum sunt succo injuria gustum.
Tristia sed discis pariter sic ferre iuventam,
Ad dulcis patriæ fructus quando arte paratur.
Sic *Genitor* fuit inclemens, ut *Muficus* esset.
Non aliis mentem flexit *Strignitius* orsis.
Franckius in patrio præstat non grata Lycéo,
Cantorque *Heuserus*, duræ virque *Heimsius* artis,
Gymnasii in primisque hujus qui sceptrâ gerebant,
Topferus dudum & *Laurentius* abditus urnis,
Salvantisque urbem vates nunc *Gschwendius* ædis,
Prettenhiseque, simul summus qui Præful ad aras,
Post hujusque obitum hoc munus *Schammelius* ornans.
Lipfia Schelladern, *Schmidiumque* ita sistit acerbos.
Jenichius gravis hic fuerat, *Bernerus*, *Abichtus*,
Duri *Oleariada* duo, *Rechenbergius* asper.
Quam præmit *Uhsius* ! quantum *Gæsgenius* urget!
Quam nunquam *Altmannus*, *Pfeifferus* dulcicia cantant!
Pondera *Güntherus* volvunt *Wernerus* & in Te.
Par sylvestri igitur pomo es. Diversus habetis
Quin etiam. Id nemo curat. Fovet ipse *Monarcha*
Sarmatiæ, & patriæ dux Te Celsissimus. Ornant
Schacherns Consi & *Stegerus*, Lipfia quos dat,
Richter, *Bosli*, *Wernerus*, *Wolffius*, & cum
Sandelio & *Rahsilberis* *Schoreria* mensa
Et *Pfeiffertus* alunt. Præbendos juvat honores
Sed *Steinmauerus* patriæ gemmarius. Hicque
Non numeranda etiam *Niceus* munera promit
Vox sancta, & primus dux *Frauentorssius* urbis.
Mœsta feris & sic, dum sunt, mors manserit escis,
Sed tua maturi pelletur melle leporis.

FRAN-

FRANCISCUS WOKENIUS,

Rasvino-Pomeranus.

Optandum est, solvat clemens ut vincula Numen,
 Hactenus adstrinxit Pomeranica climata queis Mars,
 Idque simul facies, *Wokeni*. Namque malorum
 Nomina participem patriam communia reddunt.
 Expediit rigido sed ver quoque compede terras,
 Sævitia quo tristis hyems multa omnia vinxit.
 In laudes hæc si Sophicasque solutio decur,
 Indicio est, in Te nil carceris amplius esse,
 Quo pubis claudit foeda ignorantia mentes.
 Principio ex patriæ cesserunt claustra favore,
 Impensis primas studiis quando imbibis artes.
 In Colbergeni rupta est constrictio post hanc
 Pindo, sive manus ferrum dimitteret arctum,
 Amplius haud pedicis seu livida crura laterent.
 In libertatem surgit post ista Rosetum.
 Hicque a tractato nunc mansio mœsta recessit,
 Nunc, quæ servabat custodia multa remota est,
 Seu licetorum operis fieret, seu militis usu.
 Captivum non Te porro Pomerania censet.
 Namque tuis meritis auxit virtuteque censum,
 Ex quo defunctos templorum in pulpita vates
 Reddit. Non invisâ minus collaria tollit
 Hala. Estque in primis magni, quod Lipsia præstat.
 In jus restituit nam terrea jugera demtum.
 Et sic frigus abit, fodienti ita cedere, visum est.
 Semina sic capiunt, sumtorum ita gramina promunt.
 Arboreas abdunt sperata frondeque moles.
 Serta ex queis postquam sibi laurea carpsit Apollo,
 Circumdat capiti, Sophico Tibi fertque Magistro.
 Quæ Tibi nunc animos spes gens *Wokenia* præstat?
 Libera sumti ex Te duo jam per secula vates
 Ad cœli populum duxere palatia verbo.
 Tam sanctis nondum stabit sed terminus orsis.
 Namque hic tartareas porro expugnaverit arces.

Liberata a vinculis hyemalibus in vere terra.

HEINR. WILHELMUS Engelmann/

Glauchavia-Misnicus.

Sage calendis
Majis conven-
tus agere cre-
ditur.

DÆmonicas quis non contendat ludere fraudes,
Majis conveniat turpis si turba Calendis
Sagarum, ut vulgi passim persuasio jactat?
Angelicum monstras, *Heinrice*, in nomine signum.
Spirituum cur non laudando illusio detur?
Ne tamen expectes conclusas carmine noxas,
Quas incantantum lymphata examina portant.
Custodum ipse poli servandus traditus armis,
Quæ bona contigerint, devoto ex pectore promes.
Dos dudum dulcis materno in stemmate visa est.
Ruthenam nam missus Avus *Murhardus* in Aulam,
Publica consiliis facit ut sint florida faustis.
Ipse manu, noceant ne saxa illisa, levaris,
Privati infundunt dum dogmata prima Magistri.
Curis commissum formanda ad pectora *Thome*
Flammeus in Pindo patrio complectitur Ordo.
Ad plures cultus emissio quanta parata est,
Tunc thronus Altenburgensis *Wenzelius* Hæmi,
Sed nunc Zittani dominatio maxima cœli?
Janua Lipsiacis *Menckenius* arcibus infert
In Themidos vigilans splendor primarius usus.
Postque hæc in Sophicas *Rechbergius* excubat artes.
Lebmannus, fatisque suis qui tollitur *Hardtus*,
Berndtius emaculansque rudes lux rupis in æde.
Quin simul ad sanctos *Olearius* evolat ausus.
Et tuba *Pfeifferus* pugnantis clara Sionis.
*Engelmann*e, audi. Per Schœnburgensia fidus.
Ingentis Domini *Pater* exit rura Minister,
Sive operas patria urbs, seu Remmisavia poscat.
Præsidium hicque etiam partes existit in omnes,
Sed nunc præcipuum, quas sæva incendia perdunt.
Ante annum, donec reparat Glauchavia vires.
Quid de Te fiet? Quondam, *Engelmann*e, sacerdos
Interni populum velut angelus eripe furnis.

JOH.

JOH. AUGUSTUS NEUBER;

Lipſienſis.

Floridus es ſtudiis, & forma & floridus annis,
Neubere. Arborei dant ergo encomia flores.
 Juſtitiãque, ad quam contendis, candor habebit,
 Abſque doliſi ſi ſit ſincera atque integra vanis.
 Atrato oppoſitis *Schindlerus* vultibus ornat,
 Jam *Schneebergenti* niveo præco ore Sionis.
 Expellit piceas *Reinholdia* cura figuras
 Wideravenſis lux ſubſidiaria templi.
 Lacteus appares albedine lintea lymphis
 Lota ex Pieridum ſuperanti dote *Jacobo.*
 Tempora ſed præſtat, quæ dixi, Academia veris.
 Fructiferis decus hoc oculis in ſtirpibus offert
 Frondibus ex Sophicis *Olearius* uber olivis,
 Florea *Langiade* inque uſus doctrina diſertos.
 Cætera ſiſtebant pura ornamenta Themiftoſ.
 Has anni rebus Charitas Tibi gratia fundit,
 Dum primi inſtillat juriſ *Schreiterus* amores.
 Delitium Aſtræ formoſum *Olearius* alma
 Ad fora per varios producit pectora cultus.
 Albo omnes ſed ſic hortos velamine condit,
 Candente exornat virides ſic arbore ſylvas,
 Lilia ſic aliis miſcere coloribus ardet.
 Principium fœtus creditque hoc eſſe futuri,
 Quam cunçta utilior pomaria *Menckius* orbi.
 Nec ſine ſperatis fueris res candida donis.
 Ex operis ſument præſtandis mella clientes,
 Arboream ut Floram vel apis cenſebit Hymettum.
 Quin Tibi ſplendentes habitus ſic feceris ipſe.
 Sideribus ſimiles fuerint ſpondente propheta
 Juſtitiã ad multos qui deduxere docendos.
 Diſcipuli albatum ſed conſpexere Magiſtrum.
 In monte obtulerat cœli ut præguſtus honores.
 Huncque Tibi pariter ſperes, *Neubere*, colorem.
 Per cœlum niveæ ſparges nam fulgura veſtis.

Candor in e-
 mittentibus
 ad futurorum
 fructuum con-
 ceptionem
 flores arbori-
 bus vernus.
 Die Baumz
 B ſtbe.;

CHRISTIANUS GOTHOFREDUS

HOFFMANNUS, Lauba-Lufatus.

Electio-
summi magi-
stratus Acade-
mici mense A-
prili, in vere-
que adeo, Li-
psia fieri soli-
ta.

Signa regendarum præfers quamplurima rerum
Hoffmannæ. Eximias nomen signaverit aulas,
Cives, Doctores quæ Te docuere, gubernant;
Pubem in subjectam gesserunt sceptrâ Parentes,
Legibus adstricto populo præfuntque Patroni.
Tempora suppeditant igitur præconia Pindi,
Queis caput istius vernus variabit Aprilis.
In patria fuerat primum *Pater* alter Apollo,
Mox princepsque, Tuis rex post, Zittavia, Musis.
In Laubam *maternus avus* sed, Consul ut, ardet,
Ex *Güntherorum* cognatio, Lipsia, censu,
Quorum *unum* Eusebîes nunc perdita gaudia desles,
Alter in Astrææ præstans lux commoda surgit.
Fascibus in primis Te præcipientibus aptat
Lipsia. Sicque animo sacra fundamenta locabat
Güntherus. Rex est, in Te dum ducere gestit
Humanas variis ex libris *Menckius* artes
Anglica per doctos celebrata scientia cœtus.
Historicis rex est magnus *Francksteinus* oris,
In dictisque potens dictator *Schellius* antris,
In terræ atra prius quam mors juberet ire recessus.
Rectorem faciunt, promunt qui jura, recentem.
Natio *Baudissii* in sedem se congregat unam
Iussis. Per triplicem secessum electio fervet,
Donec consiliis *Olearius* omnia rexit.
Barthius electum claro pronuntiat ore.
Menckius oblatos Senior gratatur honores,
Indutumque habitu *Titius* deducit in aedes.
Quin Tibi Teutonicas leges *Lunigius* affert,
Quo magis assidua his non est perspectio curis.
Quos dicam illustres actus portendere clavos,
Dexteritas crescit queis pulchro *excellsor* auctu?
Zittani Procères celebris vis clara *Senatus*,
Ad quas vester amor res est via facta. Clienti!

GOTHO-

GOTHOFREDUS CHRISTIANUS

LENTNERUS, Steinov. Silesius.

Sunt ex arboribus, tardas quas sumere frondes
 Vifum est, in fructus floresque afferre futuros;
 Ferme ut principio ætatis sibi concipit uvas
 Vitis, per medium constatque virefcere quercum
 Ver. Apta hæc Tibi res nobis, *Lentner e*, videtur.
 Nomine lentarum nam das vestigia rerum.
 Sique modum expendam, doctas qua percipis artes,
 Cunctari potius quam præcipitare fereris.
 Invisa est pueri properatio visa *Parenti*,
 Ductu ex illius dum prima elementa bibebas.
 Justas laudatur patrium post ista Lyceum
 Insinuasle moras. Fueratque extensio sancti
Hermannus studii sacra *Wernerusque*. Retardat
Hanckius insultus, pubis considerat ætas
 Quos nunquam, ut fas est. Recte hic quoque *Krantzius*
 Accelerato avium non motu *Poblius* ivit. (hæret.
 Creditur haud instar *Daschitzkyus* esse sagittæ.
 Non inconfucto *Springerus* profilit æstu.
 Fulguris haudque animo est more *Hocheisenius* actus.
 Non in profusos se Lipsia prodigit usus.
 Quam faciat *Schmidius*, multum meditabitur ante.
 Abstineas. Nondum satis est *Olearius* inquit
 Spectatum. Tracto quærit *Güntherus* abire
 Discessu. Hebraicis Musis indulget *Abichtus*
 Tempora. Torrentes *Bærneri* haud dixeris undas.
 Seminari haud rigidis *Carpzovius* hordea fulcis.
 Exspectat, gelidi cessant dum, *Berndius*, imbres.
Mentzius in nitidum servat sua munera Majum.
 Non festinatas operas! Latæreque multum
 His, *Lentner e*, moris. Quæ sero virefcere dixi,
 Quam quercus dabitur non ædificantiôr arbor,
 Non est nobilior, quam vitea pocula, succus.
 Firmaque sic fuerit structura Ecclesia per Te,
 Et populo fundes, superat quod nectara, verbum.

In cunctatione
 ad frondes flo-
 resque proceden-
 tes res ver-
 na.

MAT.

MATTHIAS GEORGIUS SCHROE-

DERUS, Suerino-Mecklenburgicus.

Titillationes
tactus vernæ.

MOLLITER haud equidem, *Schrædere*, affeceris artus.
 Ad boream spectat patria urbs. Nunquamque mo-
 Rebus, quas tangunt, aquilonia flamina risum. (vebunt
 Apta tamen dandæ Tibi titillatio laudi,
 Per sensus placant veris qua tempora tactum.
 Collectasque in Te si quis consideret artes,
 Non est, oblatas stimulis quod læserit ullis.
 Non nisi blanditias patrii dant facta Lycei.
Mafius est clarus, cunctis sed mitis Apollo,
 Orbiliosque fugat *Parrii* clementia sceptri.
 Prussica delectat tangentes regia vires.
 Gymnasi auspiciis sequeris dum dogmata tantis.
Volckmannus nescit violantia frigora sensus.
 Non nimium sævos formidat *Posthius* ætus,
*Mayerus*que locos spirat moderatus in omnes.
 Lipsia nil profert rerum, quas tangere nolis.
 Cedentes manibus *Lehmannus* porrigit herbas.
 Fixa haud *Bernerum* lassant vestigia terræ,
 Humor adhuc madidis hyemis nam vultibus hæret.
*Menckia*de ex sparso rore est pluviaque voluptas.
 Nil *Schmidio* in lignis durum est in pube iuventæ.
Ernesto ipsa recens non punctu urtica molesta est.
Jenichius vitii hamati vepretaque tangens
 Infestaturæ ridet conamina spinæ.
 Eusebie asperitas nocuit non ulla sacratæ.
 Se purat in propriis fuccis *Olearius* esse,
 Se veris quoties volupe est exponere ventis.
*Berndtia*de nondum muscarum examina crux sunt.
Schrædere, in templis sparges præconia verbi.
 Sic equidemque malos sternes per fulmina legis.
 Blando Evangelii potius sed melle iuvato.
 Hactenus ex studio Tibi delectatio verno est.
 Ver miseri & tale est Domino qui pectora lenit.

JOH.

JOH. CHRISTIAN. SCHMOLLERUS,

Salburga-Francus.

SAI, *Schmollere*, Tibi Patriæ per nomina fertur.
Sed condimento hoc cunctis ut gratia mensis
Nascitur & rebus, vitæ quas postulat usus;
Sic magis acceptum est, quod verna afflaverit aura,
Quam quod per reliquas ætates feceris anni.
Schmollere, hocque Tibi tribuo nunc schemate laudes.
Omnia per patrios fuerant sic grata penates.
Jucundo afficeris sensu, æther quando quiescit,
Placatis Boreas flabit sic mitior agnis.
Coburgum per bis Te binos educat annos.
Quamque hic non fuerat, quod tangis, amabile, rerum!
Non ita ducentes sulcos delassat aratrum.
Gramine fracta labore minus sua rustica portat,
Non leviter, venias si, titillaris, in ædes.
Extra tecta sedens exclamas: quanta voluptas!
Gaudia defuerint haud horto, haud gaudia sylvæ.
Ipsi lætitiæ campi exultare videntur.
Te Jena ad similes adductum traxit amores.
Lætus jam violas, narcissos jamque petebas,
Lilia detulerant suavem sylvestria fumum.
Spiritus exhilarans quis non occurrit ab herbis?
Quos novitate sua non betula spargit odores?
Ranarum ut laudant nocturna silentia voces!
Injustumque in se Philomela ut Terea cantet,
Dulcior haud animum tamen ars corpusque fovebit.
Lipsia delitiis fundendis pergit in istis.
Dumque docet Phœbum, Phœbi dum datque coronas,
Credam agitare inter sparsos convivia flores.
Acceptos quos non habitus fers rebus agendis?
Ipse equidem lentas, lædenti dicere verbum
Quæ non sustineant, præfers cognomine rixas.
Sal magis at patriæ stet, quam, queis diceris, iræ.
Sicque haud ulla tuis indent fel tædia factis,
Ad quascunque Deus partes te traxerit orbis.

Aura verna re-
bus cunctis
gratiam con-
cilians.

D

Ex-

* * *

EXposuique adeo vernarum schemata laudum.
An cuncta? Haec dicam. Nam novi, quod plura super-
sunt.

*Famina, non monitum est, vegeti ut studiosa vigoris,
Corporis ut medicus vel sollicitudine sani
Semina in optatos ranarum colligat usus.
De stocis nihil allatum est, quos spargere vernas
Præcipue salices ventis spectamus in auras,
Sed potius paucis ostendere iuverit, ex jam
Dicere nil dictis facta ante poemata rebus.
Kromayerus habet nitidas in carmina formas,
Sive rosis ludat, seu candida lilia promat,
Narciscus niteat, seu lectus amaracus adsit.
Ipse autem in Themidos conabar dicere cultum,
Post hyemis surgunt qui frigida facta, repores,
Et quæ post frigus, vitam, per corpora serpit.
Cernebam, plantas hyberna morte sepultas
Surgere, non paucis frondere que floribus hortos.
Per vastos, docui, spargunt quæ semina campos.
Nulla cessabam stimulari in sede coloni.
Audio concentus uno haud modulamine dulces;
Ex varia video fontes ratione salubres,
Inque opera accensis totam ex mercatibus urbem.
Sed satis est. Unum hoc votis ardentibus addo,
Pulchrarum egregii per symbola splendida rerum
Dum patriæ iuvenes ad fulgida commoda tendunt,
Tam niidum excipiat ver ut speciosus æstas.*

Unicum erratum adjicio ex Dn. M. Fischero. Legendum enim in versu 18. velamina pro volumina.

Epi-

Epigrammatum
Ad universos Dnm. Magistros,
ex phænomenis vernalibus
appendicis loco accedens
Quaternio.

I.

Phænomenum vernum.

*Rebus majorem quantitatem ad-
jungens ver.*

Epigramma.

QUæ sunt, res ver majores fecerit omnes:
Frons, pulli crescunt, gramina, læta seges.
Omne quam veris data sunt præconia fausto!
Vestrum ita nam semper gloria major erit.

II.

Phænomenon vernum.

*Terra absunta per hyemem in vere
restituens.*

Epigramma.

IN terram redit, absumentur viventia quicquid.
Ver, quod perdit hyems, hinc reparare parat.
Quod non restituis, raptò haud ignoscitur unquam.
Notitia amissam redditis ergo nova.

III.

Phœnomenon vernum.

*Institutæ Calendis Aprilibus inconsidera-
tiorum irridentiore hinc inde
missiones.*

Epigramma.

I*Ncauta, exagitat, quos imprudentia vexat,
Queis mens, principium, major, Aprilis, erit.
In Sophicis vitium latet & culpabilis error.
O canti hæc variis exagitate modis!*

IV.

Phœnomenon vernum.

*Dona Spiritus Sancti per ver in Festo
Pentecostes effusa.*

Epigramma.

M*Unera multa suis Dominus dat dona ministris,
Incunctas mundi quos jubet ire plagas.
Non per miraculum vobis dat munera Numen,
Sufficiunt variis sed tamen ista locis.*



00 A 6280

ULB Halle

002 828 09X


3




56,

9210







9
RECIDIVATUS
GRATULATIONIS VERNÆ
Supremis in Philosophia honoribus

RECTORE
D. Gottlieb GERHARDO
TITIO,

Jcto, Potentissimi Poloniarum Regis & Electoris Saxoniae
ad Provocationum causas Senatore, Codicis Prof. Publ. atque Facult.
Juridicæ & Supremi Judicii Provincialis Assessore,

PRO-CANCELLARIO
JOH. HEINRICO ERNESTI,
Phil. & Bonar. Artium Magistro, Poet. Prof. Publ. Acade-
miæ Decemviro, Fac. Phil. Subseniore, & Rectore Thomano,

DECANO
CHRISTIANO LUDOVICI,
SS. Theol. Licent. Org. Aristot. Prof. Publ. Ordin. Literarum
Rabbinicarum & Thalmud. Extraord. Fac. Phil. Assessore, & D. Virgi-
nis Collegii Collegiato,

in Academia Lipsiensi
VI. Iduum Febr. Anno reparatæ salutis M. DCC. XIV.
& a condita Universitate CCCV.

solemniter collatis
publica venerandis celebratione
accommodatus.

LIPSIÆ,
LITERIS JOH. CASP. MULLERI.